



Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**

Na osnovu čl. 69. Statuta Općine Centar Sarajevo – prečišćeni tekst („Službene novine Kantona Sarajevo“, broj 23/4) Načelnik Općine Centar Sarajevo, raspisuje:

**JAVNI POZIV UDRUŽENJIMA BORAČKE POPULACIJE SA PODRUČJA OPĆINE CENTAR ZA PREDAJU PRIJEDLOGA PROJEKATA KOJI ĆE BITI FINANSIRANI/SUFINANSIRANI IZ BUDŽETA OPĆINE CENTAR SARAJEVO U 2020. GODINI**

Općina Centar Sarajevo poziva sva udruženja boračke populacije sa područja Općine Centar Sarajevo da dostave prijedloge projekata koji se odnose na sljedeće oblasti:

**1. Projekti koji se odnose na organizovanje edukativnih, kulturno-obrazovnih i sportskih aktivnosti i manifestacija**

- 1.1. Projekti koji doprinose poboljšanju kvaliteta života porodica poginulih, ratnih vojnih invalida i članova njihovih porodica i branilaca (dodatna edukacija, sticanje novih znanja i vještina), te projekti socijalne pomoći pripadnika boračke populacije;
- 1.2. Neformalno obrazovanje, cjeloživotno učenje i projekti prekvalifikacije;
- 1.3. Projekti koji se odnose na rehabilitaciju i rekreativne programe;

**2. Podršku razvoju i realizaciji projekata koji doprinose unapređenju oblasti njegovanja tradicija odbrambeno-oslobodilačkog rata 1992. - 1995. godine**

- 2.1. Projekti koji promovišu značajne datume, događaje i ličnosti u skladu sa Kalendarom značajnih datuma, događaja i ličnosti iz perioda odbrambeno – oslobodilačkog rata 1992-1995. godina
- 2.2. Izložbe ratnih fotografija, seminari, okrugli stolovi, historijski časovi, prikupljanje arhivske građe, video zapisa i ostalog materijala;
- 2.3. Projekti koji se odnose na razvijanje svijesti mladih o vrijednostima odbrambeno-oslobodilačkog rata 92-95.

**Dužina trajanja svakog projekta može biti maksimalno jedanaest (11) mjeseci. Izabrani projekti se trebaju realizovati u periodu februar 2020. – decembar 2020. godine.**

**LOKACIJA:**

**Izabrani projekti se trebaju implementirati isključivo na području općine Centar Sarajevo, osim aktivnosti za koje ne postoje pretpostavke da se odvijaju na teritoriji Općine, a čija su ciljna grupa građani Općine.**

**Neće se finansirati aktivnosti odobrenog projekta koje su provedene prije zaključivanja ugovora.**

**PRAVO UČEŠĆA:**

Učešće u ovom javnom pozivu je otvoreno za sva formalno registrovana udruženja boračke populacije sa područja Općine Centar Sarajevo, u skladu sa zakonskim propisima.

Aplikant može predati više od jedne aplikacije i jedne projektne ideje, ali u tom slučaju se moraju predati odvojene aplikacione forme i priložiti neophodnu dokumentacija uz svaku od njih.

**PREUZIMANJE DOKUMENTACIJE:**

Sve potrebne informacije i elektronska verzija prijavnice dokumentacije može se naći na web stranici općine Centar Sarajevo [www.centar.ba](http://www.centar.ba) /konkursi i oglasi.

Pitanja u vezi sa javnim pozivom se mogu postaviti putem e-mail adresu [mahira.susko@centar.ba](mailto:mahira.susko@centar.ba). Pitanja se mogu postavljati dok traje objava javnog poziva. Odgovori na upite će biti dostavljeni u pisanoj formi unutar tri radna dana od primanja upita.

**Obavezna dokumentacija** treba da sadrži sljedeće dokumente:

- **Projektni prijedlog**
- **Budžet**
- **Plan aktivnosti**

**Dodatna dokumentacija** je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija se dostavlja u jednom primjerku i treba da sadrži sljedeće:

- ovjerena kopija važećeg rješenja o registraciji organizacije u BiH (za nosioca projekta/podnosioca i eventualne partnere na projektu),
- kopija statuta organizacije (podnosilac projekta i partneri),
- Identifikacijski broj,
- Uvjerenje o izmirenim poreskim obavezama (original ili ovjerena kopija poreske uprave),
- Uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih),

#### **ELIMINATORNI KRITERIJI:**

- Organizacija nije dostavila finansijski i narativni izvještaj za odobrena sredstva u prethodnim periodima;
- Projekat nije urađen u skladu sa Javnim pozivom;
- Aktivnosti u projektu ne uključuju građane Općine Centar;
- Organizacija nije dostavila potpunu dokumentaciju;

**Općina Centar Sarajevo zadržava pravo da ne dodijeli sva dostupna finansijska sredstva.** Grantom koji se dodjeljuje u okviru ovog poziva mogu se finansirati administrativni troškovi i troškovi osoblja u maksimalnom iznosu od **30% od zahtijevanog iznosa (Budžetske stavke: 1. Ljudski resursi, 2. Putovanje/prevoz i 3. Uredski troškovi)**. Ostatak finansijskih sredstava trebalo bi predvidjeti za programske aktivnosti projekta (Budžetske stavke: 4. Projektni troškovi, 5. Vidljivost, 6. Ostali troškovi – indirektni troškovi), od kojih se do maksimalnih 5% može predvidjeti za ostale (indirektne) troškove.

#### **PREDAJA APLIKACIJA:**

Ispunjena aplikacija (sa kompletnom zahtijevanom dokumentacijom) se mora dostaviti **u dva (2) primjerka u štampanoj formi** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 8 do 16 sati sa naznakom „ Za Javni poziv za projekte boračke populacije“, na adresu:

Općina Centar Sarajevo  
Protokol  
Ul. Mis Irbina 1  
71 000 Sarajevo  
Bosna i Hercegovina

Rok za predaju aplikacija je 15 (petnaest) dana od dana objavljivanja na stranici Općine Centar i jednom dnevnom listu.

Projektne prijedloge razmotrit će i procijeniti Komisija za odabir projektnih prijedloga. Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na web stranici Općine Centar Sarajevo ([www.centar.ba](http://www.centar.ba)), kao i na oglasnoj ploči Općine.